

臺海文獻匯刊

主編 名譽主編

蕭慶偉 陳支平
鄧文金 林曉峰
施榆生

33



廈門大學出版社
XIAMEN UNIVERSITY PRESS

國家一級出版社
全國百佳圖書出版單位

第七期

目 要

吳光雲閣浮題



丁汝璽著

（第十大卷十六段一節）

木岳詩草補遺

丁汝璽著

木岳詩草補遺

名譽主編 陳支平 林曉峰

主 編 蕭慶偉 鄧文金 施榆生

臺海文獻匯刊

錄梅老子自題

六肚皮集

五堂藏板



佳略

光緒二十九年

館


策劃編輯單位

閩南師範大學閩南文化研究院

廈門大學兩岸關係和平發展協同創新中心


新聞出版改革發展項目

福建省社會科學規劃重大項目（項目編號2014Z001）成果



經國雄略

十二



屯政攷 一二

漢書門類				
九	五	五	八	號
七	一	一	一	類
一	二	二	二	架
二	〇	〇	〇	冊

九	五	五	八
七	一	一	一
一	二	二	二
二	〇	〇	〇

經國雄略卷之一

清漳 鄭崑貞十師

南安伯鄭芝龍飛虹 全鑒定

武榮 鄭鴻達羽公

鄭大郁孟周 編訂

溫陵

楊應媚銜甫 叅閱

屯政攷

愚按屯政起於漢昭帝是錯桑弘羊皆言屯事至

屯政

營平而後其法始詳諸葛亮屯渭南魏武屯許下
司馬懿屯淮南北羊祜屯淮襄杜元凱屯荊州唐
郭元振屯涼州郭子儀屯河中李泌復府兵屯於
諸邊嗣後楊炎嚴郢李絳韓重華輩皆屯田宋樊
知古張齊賢何承矩呂惠卿等難以盡載爰及我
明無慮數百家但自井田廢而兵農分漢事夷狄數
千里外益餽糧絕險之難也惟屯法猶存先王之
遺制惜今議者屢屢終不能復行也

屯政

愚聞兵者所以明德除害也故舉得於外則福生於內不可不慎夫暴師日久將士馬牛食費月用粉谷魚鹽茭藁之類何啻數十萬斛石難久不解徭役不息又恐他喪卒有不虞之變相因並起爲君父憂誠非素定廟勝之策况虜寇衝突易以計破難以兵碎也擊之未便莫若罷騎兵屯田以待其弊是今日之計商確者莫屯政若矣

按便宜十二事云步兵九較吏士萬人留屯以爲武備因田致穀威德並行一也又因排折羗虜今不得歸肥饒之地貧破其衆以成羗虜相畔之漸二也居

民得並田作不失農業三也軍馬一月之食度支田
士一歲罷騎兵以省大費四也至春省田士卒循河
湟漕穀至臨羗以示羗虜揚威武傳世折衝之具五
也以閑暇辦下所伐材繕治郵亭克入金城六也兵
出乘危徼幸不出令反畔之虜竄離於風寒之地離
霜露疾疫瘵隳之患坐得必勝之道七也毋經阻遠
追死傷之害八也內不損威武之重外不令虜得乘
間之勢九也又毋驚動河南大开小开使生它變之

憂十也。治湟陝中道橋，今可至鮮水以制西域，信威千里，從枕席上過師十一也。大費既省，徭役預息，以戒不虞十二也。留屯田得十二，便出兵失十二利。屯田內有亡費之利，外有守禦之備。騎兵雖罷，虜見萬人留田爲必會之具，其土崩歸德，宜不久矣。

漢書

以屯政觀之。古之善富國者，莫如管子。其地均之數山林藪澤，汜山蔓山，涸澤山之無木，地之無草木，人之不得入者，或百而當一十，而當一九，而當一五，而

屯政

見上

當一則無虛地也。上土五粟五沃五位五德五壤五
浮中土五恣五壚五盤五剽五沙五壩下土五猶五
牡五殖五穀五鳧五桀隨其宜而種植之法至盡矣
乃商子有農戰之令呂覽有任地之篇善謀國者豈
不以食爲急哉

秦識選

夫以今日之屯救異日之饑自古行之者夥矣武侯
之於斜谷郭尚父之於河中羊叔子之於襄鄧范文
正之於陝西皆與戰相雜而屯者也武帝設戍已較

尉屯之車師屯之輪臺此與夷相雜而屯藉地有其
人則法出有其法則政行否則屯政不復雖日進月
進豈能佐左藏之盈而一發再發可以濟邊疆之急
也哉

破膽篇

史起道漳於鄴封鄭國溉通於秦渠白公借淮於涇
水馬援引流於洮濱虞詡復三郡虞集開瀕海獨非
西北地耶蘇秦曰焚雖不佃作而棗栗之寔足富於
民則因勢而盡地力亦未爲不可也

朱翼

屯政

屯政

見上

夫邊計最重且急者莫屯政若矣。高皇帝閔海內之艱，詔羣臣議屯田法，用宋訥所言守邊策立法，分屯布列邊徼，遠近相望，首尾相應，叛制如此其周也。邊境旣寧，撤守關士卒，僅僅備譏察外，悉令屯田，致力如此其一也。山西沁州民若干戶，願應募受屯，賞以鈔錠，公田給之，仍令募本州民召募如此其廣也。今屯士并樹桑棗，柿栗隨地所宜，土雖不足而足於桑棗，柿栗矣，地利如此其盡也。文皇帝納黃福之

請官爲市牛鑄器至欲廣屯於遼陽而遣人徵牛於
朝鮮耕具如此其給也詔各荒屯空土不拘士客軍
民官舍盡力開墾永不起科恩澤如此其厚也謂將
領能時時勞問屯士所苦誰不敢奮勤力軫恤如此
其殷也以寧夏積谷歟多降勅獎諭總兵何福激勸
如此其明也仁宗念所司以征徭役擾之今無擅
役妨農愛養如此其至也宣宗初大同總兵鄭亨
上屯田子粒數多遣人勘寔賞之論功如此其核也

提督必選老成更命風憲官以時巡察任使如此其
慎也屯入歲豐邊士一切用度多以粟易於是令戶
部漕輸貿雜多至二三十萬石少亦不下十萬積貯
如此其豫也天順中都御史葉盛巡撫宣府脩復官
牛官田法墾田益廣積谷益多以其餘易戰馬千八
百疋脩築城堡七百餘所興利如此其鉅也乃其弊
也則有膏腴之地多爲莊田空閑之區咸歸邊帥士
卒無近田可耕如商輅所論者矣有墩堡不脩夷虜

輕犯有可耕之田而不敢耕士卒疲憊家無束帛有
可耕之田而不能耕如梁材所陳者矣有耕種之際
鹵莽滅裂收貯之後侵欺侈用以管屯爲職者優逸
市城而不見阡陌之巡以典屯而來者憑信簿書而
不較倉庫之實如劉定之所議者矣則有擾之以弗
靖持之以太急今日覈地明日徵逋輒起正德中寧
夏之變卒令荒地儲竭邊民凋瘵且叛漢而入胡如
王燁所陳者矣恬熙旣久因循弛廢日復一日邊境

蕭條議者或欲令各邊撫臣召募開墾及令軍民自種量徵其稅或以爲利歸於下則人樂趨往時爲邊帥豪戶種田不荒蕪而公糴亦紛紛請勘適生厲階夫與膏土沃田鞠爲茂草孰若捐以與人請明詔有能開種者悉與爲業毋有所問或以爲自鹽法折納商不赴邊而屯政遂與俱壞欲復屯政盍令商輸粟於邊耕者有所資積者有所散而塞下自寔蓋諸議之指大都任人廣募薄征緩取而鹽法屯田相爲維

持鹽法之復不可以不急也。夫欲令農狎其野，穡人成功，積豐於垣，士蹙於伍，內有亡費之利，而外有守禦之備，以振威生氣，制戎撻虜，其惟屯政哉。季文清屯政攷

京輔諸郡，卽古樊趙地，內支諸雄，外禦胡貊，而三鎮亦以此抗衡於天下。其士馬芻粟，非外索也。今一切倚辦吳越，而千里萑蒿，竟無粒粟，誠失計矣。

河中之屯，自耕百畝，而吏士勸，何得曰荷戈耻於執耒也？淮襄之屯，詭計罷敵，而戍邏減，何得曰突入難